

# KEMPEN GAYA HIDUP SIHAT

## PROGRAM 10,000 LANGKAH

SEMPENA ULANG TAHUN HARI KEPUTERAAN DYMM SULTAN JOHOR

Kluang, 11 Disember 2010 - Majlis Pelancaran Kempen Gaya Hidup Sihat peringkat Daerah Kluang telah diadakan di Dataran Tasik Kluang. Majlis pelancaran tersebut telah dirasmikan oleh Tuan Haji Abd Karim Bin Abu Bakar, Pegawai Daerah Kluang. Program 10,000 langkah adalah merupakan aktiviti pertama dijalankan pada kempen tersebut sempena Hari keputeraan DYMM Sultan Johor. Program tersebut telah dianjurkan oleh Pejabat Daerah Kluang bersama Majlis Perbandaran Kluang dan jabatan-jabatan kerajaan lain.

Program 10,000 langkah ini telah dimulakan dengan acara senaman J-Robik dan senaman 1Malaysia sebelum semua peserta meneruskan aktiviti berjalan 10,000 langkah bermula dari Dataran Tasik Kluang mengelilingi kawasan Pejabat Kerajaan dan berakhir di Dataran Tasik Kluang sebagai simbolik kepada majlis pelancaran tersebut.

Kempen yang dilancarkan ini adalah salah satu usaha kerajaan untuk meningkatkan kesedaran dan menggalakkan masyarakat ke arah amalan gaya hidup sihat dengan hanya melakukan aktiviti fizikal yang mudah, murah dan selamat seperti berjalan kaki. Dengan berjalan kaki sekurang-kurangnya 10,000 langkah sehari kita dapat mengurangkan sebanyak 500 kalori sehari dan secara tidak langsung akan dapat mengurangkan masalah kesihatan seperti berat badan berlebihan, sakit jantung, kencing manis dan darah tinggi. Seramai 800 peserta terlibat daripada pelbagai agensi kerajaan telah menjayakan program tersebut.



## PROGRAM MESRA RAKYAT DAERAH KLUANG



Kluang, 8 Oktober 2010 - Program Mesra Rakyat Daerah Kluang telah berlangsung di Dewan Tunku Ibrahim Ismail Kluang bermula dari jam 8.00 pagi hingga 12.00 tengah hari. Program ini adalah anjuran Biro Pengaduan Awam Jabatan Perdana Menteri bersama Pejabat Daerah Kluang.

Majlis dirasmikan oleh Setiausaha Kerajaan Johor, Y.B Dato' Haji Abd Latiff Bin Yusof yang juga telah mempengerusikan Majlis Dialog antara jabatan kerajaan dan orang awam.

Sebanyak 20 jabatan kerajaan dan agensi berkaitan terlibat selaku panel Aduan Awam antaranya Majlis Perbandaran Kluang, Pejabat Tanah Daerah Kluang, Ibu Pejabat Polis Daerah Kluang, Tenaga Nasional Berhad, Syarikat Air Johor dan lain-lain. Pengibatan semua pihak khususnya ketua-ketua jabatan dan agensi berkaitan telah dapat menyelesaikan sebahagian besar masalah yang dibangkilkian oleh orang awam semasa sesi dialog diadakan.

Y.B Setiausaha Kerajaan Johor berkata Majlis Mesra Rakyat yang diadakan ini adalah salah satu aktiviti "turun padang" untuk mendengar aduan dan pandangan masyarakat Daerah Kluang. Persaingan peringkat global kini menuntut penjawat awam memberikan perkhidmatan dan komitmen yang berkualiti.

Menurutnya lagi, sebagai penjawat awam kita perlu menganggap bahawa aduan dan maklum baas iklas adalah hadiah yang diberikan secara percuma daripada orang awam dan ia merupakan bukti bahawa masyarakat masih menaruh kepercayaan terhadap peranan dan tangungjawab yang kita jalankan supaya dapat turus memberikan perkhidmatan yang sempurna".



**PUSAT INFORMASI PELANCONGAN DAERAH KLUANG**  
Di Terminal Bas dan Teksi Kluang



Kluang, 2 Disember 2010 - Exco Pelancongan dan Perdagangan Dalam Negeri dan Hal Ehwal Pengguna Negeri Johor, Y.B Encik Hoo Seong Chang telah merasmikan Pusat Informasi Pelancongan Daerah Kluang di Aras 1, Terminal Bas dan Teksi Kluang. Turut hadir pada majlis tersebut Yang Dipertua Majlis Perbandaran Kluang, Tuan Haji Abd Rahman Bin Mohamed Dewam dan beberapa Ketua Jabatan Daerah Kluang.

Menurut Y.B Hoo, Pusat Informasi Pelancongan ini diwujudkan adalah bertujuan untuk memberi kemudahan kepada orang ramai khususnya para pelancong luar yang ingin mengetahui lokasi-lokasi pelancongan yang ada di Daerah Kluang. Pusat informasi ini dilengkapi dengan kemudahan risalah-risalah pelancongan, peta pelancongan maps , tayangan televisyen dan sebagainya yang boleh digunakan sebagai bahan rujukan bagi mereka yang ingin melancong di Daerah Kluang dan sekitarnya.

Beliau amat berharap agar Pusat Informasi ini dapat dijadikan sebagai contoh dan rujukan kepada daerah lain dalam memperkenalkan produk pelancongan yang boleh mengamit pelancong. Menurut beliau lagi, Jabatan Pelancongan Negeri Johor akan sentiasa membantu mengenalpasti dan memperbaharui kawasan-kawasan pelancongan baru di Kluang untuk dimuatkan di dalam risalah pelancongan Daerah Kluang dan Kerajaan Negeri Johor. Pihaknya juga mengalu-alukan pegusaha tempatan yang berminat untuk menyertai Jabatan Pelancongan Negeri Johor memperkenalkan pembiagaan mereka ke dalam risalah pelancongan tersebut. Sehubungan itu, sesiapa yang berminat boleh menghubungi Majlis Perbandaran Kluang (MPK) di talian 07-7771401 atau Pejabat Daerah Kluang di talian 07-7721963.

Terminal Bas Kluang dipilih adalah kerana lokasinya yang strategik terletak di tengah-tengah Bandar Kluang dan merupakan tempat tumpuan perhentian pengunguan dan pelancong yang datang ke Kluang.





## Lawatan Kerja YDP Ke Taman Indah Jaya

Kluang, 27 September 2010 - Lawatan kerja Yang Dipertua ke Taman Indah Jaya bersama pegawai-pegawai Majlis Perbandaran Kluang (MPK), agensi kerajaan dan wakil penduduk telah dilaksanakan bagi meninjau pemasalahan yang dibangkitkan di kawasan tersebut secara lebih dekat. Taman Indah Jaya adalah merupakan kawasan yang sering berlaku banjir kilat dan juga merupakan kawasan utama wabak dengan di Bandar Kluang yang dikenalpasti berpunca daripada masalah sistem perparitan. Lawatan ini bertujuan untuk mengenalpasti punca masalah tersebut berlaku dan tindakan segera yang boleh dilaksanakan oleh MPK dan agensi kerajaan yang berkaitan. Lawatan kerja ini adalah antara Program Turun Padang Yang Dipertua yang telah diaturkan sepanjang tahun 2010 sebagai usaha menambahbaik sistem penyampaian perkhidmatan Pihak Berkuasa Tempatan khususnya di kawasan MPK.

### Tindakan Atasi Banjir Kilat


#### Sistem Perparitan Dinaiktaraf



Lanjutan daripada beberapa siri lawatan Yang Dipertua ke Taman Indah Jaya, kerja-kerja meningkat taraf sistem perparitan hilah dilaksanakan pada tahun 2010. Kerja-kerja tersebut melibatkan 2 fasa: di mana fasa pertama menelan belanja sebanyak RM275,900 yang telah mula dilaksanakan pada 10 Mei 2010 dan siap sepenuhnya pada 23 Ogos 2010. Fasa kedua melibatkan perbelanjaan sebanyak RM170,780 bermula pada 27 September 2010 dan siap sepenuhnya pada 8 November 2010. Keseluruhan perbelanjaan meningkat taraf sistem perparitan di Taman Indah Jaya bagi tahun 2010 adalah sebanyak RM 446,680 melibatkan sebahagian besar sistem perparitan di taman tersebut. Diharap tindakan yang dilaksanakan akan dapat mengatasi masalah penduduk di taman ini terutamanya banjir kilat.



## KEMPEN MENANAM POKOK SEMPENA PROGRAM



(Program Local Agenda 21)

**Kluang, 23 Oktober 2010** - Kempen Menanam Pokok sempena Program Bumi Hijau "Green Our Earth" telah dilancarkan oleh Majlis Perbandaran Kluang dengan kerjasama syarikat Kimberly Clark (M) Sdn. Bhd. sebagai salah satu program Local Agenda 21. Pelancaran kempen yang diadakan di Taman Seri Impian ini telah dirasmikan oleh Encik Chye Kwee Yeow, Timbalan Ketua Whip, Ahli Majlis Perbandaran Kluang.

Simbolik kepada majlis pelancaran ini adalah acara menanam 138 pokok teduhan secara serentak sumbangan syarikat Kimberly Clark (M) Sdn. Bhd. sempena 138 tahun penubuhan syarikat tersebut.

Motivasi utama kempen menanam pokok ini adalah bertujuan untuk menyedarkan masyarakat tentang pentingnya pokok di dalam kehidupan sehari-hari disamping menerapkan tanggungjawab masyarakat dalam penjagaan pokok bagi memelihara dan menyelamatkan bumi daripada kepanasan global.

Selain itu, pada majlis tersebut turut diadakan majlis penyerahan 500 anak pokok Bunga Raya kepada dua buah sekolah iaitu Sekolah Kebangsaan Dato Abdul Rahman Yassin dan Sekolah Menengah Jalan Kota, Kluang. Pertandingan Futsal antara penduduk setempat juga diadakan sebagai aktiviti sampingan pada majlis tersebut.

Program ini adalah kesinambungan daripada Kempen Menanam 26 Juta Pokok yang telah dilancarkan di peringkat Negeri Johor pada 22 April 2010 di Kulaijaya, Johor.





## PENUBUHAN BADAN PENGURUSAN BERSAMA (JMB) RUMAH PANGSA TAMAN SRI KLUANG,

Kluang, 21 November 2010 - Bertempat di perkarangan tempat letak kereta Rumah Pangsa Taman Sri Kluang telah diadakan Mesyuarat Pertama Penubuhan Badan Pengurusan Bersama (JMB) di antara penduduk rumah pangsa Taman Sri Kluang (TSK), Majlis Perbandaran Kluang dan pemaju BCB Berhad.

Tujuan mesyuarat pertama dianjurkan adalah bagi melantik Ahli Jawatankuasa Pengurusan Bersama (JMC) di kalangan pemilik-pemilik rumah pangsa TSK. Pada mesyuarat pertama ini seramai 43 orang pemilik rumah pangsa TSK telah hadir bagi mewakili 200 pemilik yang lain. Pemilihan JMC telah dijalankan secara undian dan penduduk juga telah sebulat suara untuk melantik Encik Shabudin Bin Osman sebagai Pengurus, Encik Hishamudin Bin Mohd Noh selaku Bendahari dan Encik Latif Bin Tukiran sebagai Setiausaha diluji 6 orang lagi sebagai Ahli Jawatankuasa. Mesyuarat telah dirasmikan oleh Wakil Pesuruhjaya Bangunan (COB) Tuun Haji Mohamad bin Tukiran yang juga merupakan Ahli Majlis Perbandaran Kluang.

JMB yang ditubuhkan ini bertanggungjawab dalam menjaga dan menyelenggarai harta bersama rumah pangsa Taman Sri Kluang agar ianya sentiasa berada dalam keadaan baik dan sempurna. JMB juga bertanggungjawab dalam menyimpan, menyenggara dan menguatkuasakan kaedah-kaedah dalaman yang berkaukusus dan semasa ke semasa. Peraturan ini merangkumi semua aspek termasuk keselamatan, kebersihan, pembiawangan sampah, peraturan miletak kereta, pelawat dan perkara sama ada yang boleh dan tidak boleh dilakukan. Selain itu, tanggungjawab JMB adalah menginsuranskan bangunan tersebut terhadap kerosakaran dan apa jua halal lain yang perlu.



## CABUTAN BERTUAH

### PEMBAYAR CUKAI TAKSIRAN HARTA 2010



Kluang, 19 Disember 2010 - Majlis Penyampaian Hadiah kepada penerima Cabutan Bertuah Pembayar Cukai Taksiran Harta tahun 2010 telah diadakan di Tapak Karnival Usahawan, Jalan Persiaran Dato Haji Ismail Hassan Kluang.

Sebanyak 124 hadiah berupa barang elektrik termasuk hadiah tempat pertama sebuah motosikal Yamaha Legenda 115cc telah ditawarkan kepada pembayar cukai yang setia membayar cukai taksiran harta yang dikenakan. Matlamat utama program Cabutan Bertuah ini adalah untuk menggalak dan mendidik warga Kluang menunaikan tanggungjawab menjelaskan cukai taksiran harta dalam tempoh yang ditetapkan. Selain Cabutan Bertuah, potongan 50% denda lewat bayar tunut diberikan kepada pembayar-pembayar cukai taksiran harta yang menjelaskan keseluruhan tunggakan cukai pada 3 bulan pertama tahun 2010.

Ramai warga Kluang telah hadir membanjiri tapak Karnival bersama-sama penerima cabutan bertuah memeriahkan suasana. Majlis telah disenangi dengan kehadiran Setiausaha Majlis Perbandaran Kluang, Tuan Haji Muzaldin bin Haji Mohamed, Ahli-ahli Majlis MPK, Ahli Jawatankuasa Kelab Sukan Dan Kebajikan MPK dan Ketua-ketua Bahagian MPK yang turut memeriahkan majlis pada malam tersebut.

Encik Kwek Kai Hong dan isterinya Puan Chew Sor Li dan Tantan Saujana merupakan pembayar cukai yang pertua menerima hadiah pertama sebuah motosikal Yamaha Legenda 115cc. Hadiah-hadiah utama Cabutan Bertuah Cukai Taksiran Harta dan pemenang Pertandingan Karaoke Program Karnival Usahawan akan disampaikan oleh Tuan Haji Muzaldin bin Haji Mohamed.

Majlis tersebut telah dimeraukkan lagi dengan persembahan tarian pelbagai etnik daripada kumpulan tarian Dayak, tarian kapas dan tarian silambang serta persembahan nyanyian oleh pemenang pertandingan karaoke pada Karnival Usahawan anggota Kelab Sukan Dan Kebajikan MPK.